

RELATO DI E TOWN HALL MEETING DI KvK, CU A TUMA LUGA RIBA DIAHUEBS, 02
DI JUNI 2022 DEN AUDITORIO KVK

Presente:

KvK: Presidente–Monica Kock, Vice-Presidente–Gavril Mansur, Secretario/Director–Martijn Balkestein, Miembro di Directiva: Lay Hing de Kort-Yee, Diederik Kemmerling y Omar Tromp

± 79 Empresario

Moderador: Gavril Mansur

Apertura:

E moderador ta yama tur presente bonbini. E meta di e THM aki ta pa por duna un update na empresarionan con e proceso di reforma fiscal ta canando. Tambe KvK kier a brinda e empresarionan e oportunidad pa nan por comparti nan pensamiento y puntonan di preocupacion. Presidente di KvK a duna un introduccion cortico encuanto e concepto di ley di reforma fiscal, esaki ta a base di informacion cu KvK a ricibi. Tin hopi aspecto cu mester di aclaracion y ainda DIMP no a presenta tur e informacion. Alabes, e periodo pa implementacion di BTW ta hopi cortico. KvK a informa tur presente cu lo inclui e puntonan cu wordo treci dilanti den un carta cu KvK lo entrega na Gobierno.

Comentario/Preocupacion treci dilanti dor de e personan presente:

- Un sistema nobo di BTW/VAT cu diferente tarifa ta bay duna hopi trabou administrativo y extra gasto(nan) (p.e. mas empleado pa procesa tur invoices, cumpra of adapta/actualisa e sistema (software)).
- Proceso di reforma fiscal: Tin preocupacion pa e forma con e proceso ta canando y comerciantenan ta di opinion cu reforma no a tene cuenta cu e impacto marco-economico ni tampoco e efecto real di inflacion.
- Eliminacion di 6% di BBO/BAZV/BAVP: Gobierno a haci calculacion di aumento di su entrada basa riba eliminacion di BBO/BAZV/BAVP cual no ta rendabel pa comercio. E gastonan cu e introduccion di e sistema nobo di BTW ta bin cune pa e comerciante ta mas cu e 6% aki. Ademas tin comerciantenan cu ta absorba e 6% di BBO/BAZV/BAVP y no a implementa esaki den e prijs di e producto.
- Introduccion di un sueldo minimo di awg 5000,= pa directornan di companianan cu ademas ta accionista mayoritario: Financieramente (hopi) comerciantenan no por carga esaki.
- Inclusion di Airbnb den e sistema di belasting: Airbnb ta confronta varios obstaculo pa por legalisa nan negoshi p.e. permiso pa por opera teniendo cuenta cu moratorium, exigencia di banconan pa por habri un cuenta.
- Vooraftek: ta conta solamente pa importacion y rebendemento di producto(nan). Pa cierto sector no tin vooraftek, p.e. abogado, accountant, etc.
- Compliance: Gobierno kier pa e comerciantenan comply pero Gobierno mes no ta comply door di p.e. baha su propio gastonan. Mester miho control di e autoridadnan competente.
- **Cobranza na frontera: Con lo aloca e placa cobra na invoerrechten y BTW na frontera y e btw cu tambe mester wordo paga?**

- Cierta producto ta wordo importa pero no pa rebende sino pa transito. Sinenbargo ta paga BTW sin por declara esaki despues.
- Producto ta keda 3 pa 6 luna prome cu wordo bendi. Tin cu ta expire.
- Cashflow impact: Mester paga adelanta y despues ta ricibi e pago. No tin indicacion con lo alivia e situacion aki. Mester operating line di banco cu ta costa placa na interest. Ta financia gobierno cu placa cu comerciante mester fia.

Sugerencianan:

- BTW ta wordo calcula a base di facturanan cu wordo genera (factuurstelsel) aunke no a ricibi e pago. Sugerencia: pa calcula e BTW a base di pagonan ricibi (kasstelsel) of pa laga e comerciante escoge cua ta e miho opcion pa nan (factuur- of kasstelstel).
- Mester di instruccionnan con pa traha y mantene administracion di e sistema nobo. Kisas por acerca DIMP pa duna asistencia den esaki.
- KvK por haci un sondeo/survey di e.o cuanto negoshi lo cera pa motibo di introduccion di BTW y despues duna gobierno un indicacion di esaki.
- Den cuadro di e Landspakket, Hulanda a ofrece pa duna cierto technische bijstand na Aruba. Ta sugeri pa pesenta e concept di ley di BTW na “Adviescollege toesing regeldruk” (ATR) na Hulanda, pa a base di nan conseho por cuantifica kico ta bay ta e peso real pa comercio y con esaki lo afecta Aruba en general.
- Miho control door di Dimp pa mehora compliance.
- Departamento di Imigracion y DIMP por intercambia informacion ta colecta data di e personanan cu ta drenta Aruba, pa medio di e departamento aki tambe Dimp por haña informacion necesario pa manda aanslag pa e propietario nan di Airbnb.
- Sugerencia pa revisa e moratorium encuan to establecimiento di Airbnb y duna mas posibilidad pa hasi hosting.
- Teniendo cuenta cu 1 di januari 2023 ta e fecha di introduccion di e sistema di BTW y mirando e preocupacionnan cu ta existi, ta sugeri pa duna mas tempo pa por haña claridad riba diferente preocupacionnan y pa e comerciantenan hasi e adaptacionnan necesario.

Clausura:

Moderador y Presidente di KvK a gradici tur esnan presente na e Town Hall Meeting. Manera ya menciona, KvK lo bay incorpora e feedback ricibi den su carta cu lo wordo entrega na Gobierno. Den caso cu personanan presente ainda tin comentario/preguntanan por manda esaki pa KvK por escrito via e-mail. KvK lo pone algun documento relevante riba su website, e.o e informacion presenta, e rapport di IMF encuan to sistema di impuesto (december 2018) y newsletters di Grant Thornton encuan to BTW.